

PM seru umat Islam kikis budaya sekatan berhijrah

BH 26 MAR 2001

SETIAP tahun, umat Islam di negara kita tidak pernah ketinggalan menyambut Maal Hijrah, iaitu bagi mengenang hari penghijrahan Nabi Muhammad saw dari Makkah ke Madinah.

Peristiwa itu bukan satu kisah pengembaraan biasa, tetapi satu usaha yang terpaksa diambil oleh Nabi untuk menyelamatkan agama Islam dan pengikutnya daripada penindasan oleh penduduk Makkah.

Rasulullah telah mengambil keputusan untuk berhijrah setelah mendapati usahanya untuk mengembangkan agama Islam mendapat tentangan hebat daripada penduduk Makkah.

Penganut agama Islam yang sedikit itu pula telah ditekan hingga sukar bagi mereka untuk mengamalkan ajaran-ajaran Islam.

Bagi menyelamatkan agama Islam dan pengikutnya, Nabi memilih untuk berhijrah ke Madinah.

Perutusan Perda Mohamad, se

Pemilihan tema ini adalah amat bersesuaian dengan perkembangan semasa di kalangan umat Islam seluruh dunia dan juga di negara kita. Islam berkehendakkan umat Islam bersatu padu dan mengelak daripada perpecahan.

Tujuannya tentulah jelas kerana perpecahan melemahkan, tetapi perpaduan menambah kekuatan.

Umat Islam perlu kuat kerana keperluan menangkis serangan dan tekanan oleh musuh-musuh Islam.

Oleh kerana umat Islam tidak mengendahkan seruan Islam berkenaan perpaduan, maka hari ini orang Islam dan nega-

kezaliman dan lain-lain telah membawa kehancuran dan kemusnahan kepada rakyat dan negara mereka.

Selain itu, kerana tiadanya perpaduan, ada negara Islam seperti Palestin yang terus menjadi mangsa penganiayaan oleh musuhnya.

Sejak Perang Dunia Kedua hingga ke hari ini, masalah Palestin masih tidak dapat diselesaikan.

Puncanya kerana tiadanya perpaduan dan kekuatan di kalangan ummah dan negara-negara Islam untuk menolongnya.

Banyak negara Islam hidup bersendirian dan tidak dapat membantu ummah lain kerana mereka sendiri terpaksa menghadapi pergolakan di dalam negara akibat perpecahan atau persengketaan sesama rakyat mereka sendiri.

Jelas sekali perpecahan tidak membawa sebarang keuntungan. Malah, ia lebih banyak mendatangkan kemudaratan.

Kita lihat bagaimana di sesetengah negara luar, rakyatnya berbunuhan secara kejam dan ngeri kerana bersengketa kerana agama atau warna kulit.

Persengketaan ini telah menghancurkan masyarakat di samping kemusnahan kepada ekonomi dan keselamatan negara-negara berkenaan.

Sebab itu, Kerajaan Malaysia sentiasa berusaha untuk memastikan rakyat negara ini, khususnya umat Islam sentiasa dapat hidup dalam bersepadu, aman dan harmoni.

Hubungan kaum yang erat akan memberi jaminan kepada kemajuan sosio ekonomi dan keamanan negara. Dan perpaduan sesama umat Islam pula akan membawa kepada keutuhan ummah dan keteguhan aga-

yang ahlinya beragama Islam, dalam pengamalan agama Islam tidak harus ada perpecahan.

Sepatutnya kita dapat beribadat bersama dan jika ada cabaran terhadap agama Islam, semua umat Islam daripada apa jua fahaman politik atau sosial hendaklah merapatkan barisan dan mempertahankan agama Islam.

Tentulah umat Islam dan negara Islam akan lebih selamat dan berwibawa dengan bersatunya semua umat Islam.

Orang Islam tidak harus sengaja bermusuhan dengan orang bukan Islam yang tidak bermusuhan dengan mereka.

Sebaran berita yang tidak berasas dengan tujuan menimbulkan kemarahan oleh umat Islam kerana kononnya ramai umat Islam telah dibinasa dan dibunuh bukanlah caranya melindungi orang Islam.

Jika ada orang Islam yang diserang kerana perkelahian dengan bukan Islam, orang Islam tidak harus bertindak mengganas terhadap kaum lain. Kes seperti ini perlu dilaporkan kepada polis.

Jika orang Islam mengambil tindakan sewenang-wenangnya, maka perkara yang kecil akan menjadi masalah besar dan sukar dikawal.

Ramai yang tidak berdosa akan diserang dan dibunuh. Akhirnya tidak ada sesuatu apa yang akan diperolehi oleh mana-mana pihak.

Baru-baru ini berita angin telah disebar dengan luasnya selepas perkelahian kecil berlaku.

Kononnya ramai orang Islam telah dibunuh. Berita ini tidak benar sama sekali. Seperti yang dijangka, orang yang tidak ada kena mengena dengan perke-

Seperti yang kita semua maklum, penghijrahan ini berjaya mengembangkan Islam dan mendirikan sebuah negara yang kukuh dan kuat di Madinah yang akhirnya menjadi pusat perkembangan Islam di seluruh Semenanjung Arab dan seterusnya seluruh dunia.

Soalnya ialah apakah kita sanggup berhijrah daripada kejahilan kita sekarang yang menyebabkan kita menjadi lemah kepada ajaran Islam yang sebenar yang telah memberi begitu besar kejayaan kepada Nabi?

Ingatlah segala yang buruk itu datang daripada kita dan segala kebaikan datang daripada Allah juga.

Jika hari ini keadaan kita begitu lemah dan buruk sehingga kita ditindas sepanjang masa, sebabnya tentulah kesalahan kita.

Jika kita benar-benar mengamalkan ajaran Islam, agama di sisi Allah, sudah tentu kita akan memperoleh kebahagiaan dan kemuliaan.

Tetapi, ramai yang menyalah-tafsirkan Islam untuk menghalalkan perbuatan mereka. Dan apabila hasilnya ialah keburukan, mereka sering menyalahkan orang lain yang mereka dakwa sebagai tidak Islam.

Sempena sambutan Maal Hijrah ini, eloklah kita memperbaharui azam kita untuk memperbaiki dan mengubah nasib kita ke arah yang lebih baik, ke arah kemajuan, kejayaan dan yang amat penting perpaduan di antara kita.

Dengan perpaduan yang erat ini dapatlah kita membangun dan memajukan lagi negara kita supaya dapat kita menggerunkan musuh-musuh kita, insyaa-Allah.